



SPRACHWELTEN

Chamona d'arschiglia u villa

Pli baud siemiav'jau d'ina vita en il circus. Jau m'imagina-va quant bel ch'i fiss da viagià d'in lieu a l'auter. Sco acrobata sin la suga avess jau il pli gugent accompagnà mes amis. La vita cun clowns, sautunzs, il directur dal circus ed uschia vinavant m'avess plaschì zunt fitg. Ma ella è ida en in'otra direcziun.

Mintgin ha sias imaginaziuns da la vita. Tgi siemia da la vita en il circus, tgi da viver ina giada en in tippi, tgi da giudair ina rulotta sco dachasa e tgi profita pli gugent da l'hotel mamma. L'ultim hai jau sclaus dapi l'entschatta. Ozendi èsi a mes avis uschè stupid, sch'insatgi abitescha a chasa, enfin ch'el ha gudagnà in pau daners. I na va betg per guadagnà in sfratg, mabain per segirar la situaziun finanziaria. Igl è in'illusziun da pudair viver sin donn e cust dals geniturs enfin tschuncanta, ma pertge betg far simpel a sai la vita sch'i va? Passà è passà. Sco la pluralitad dals umans gudogn jau mezza il paun da mintgadi. Quai n'è betg pir succedi cun trenta or da patgifichezza, mabain pli baud perquai ch'jau hai vuli star sin atgnas chommas. Mes geniturs m'han sustegnì durant situaziuns finanzialas precaras e difficilas. Dapli n'hai jau betg vulì e sun loscha da mia decisiun per l'indipendenza. Entras mia voluntad e mias experientschas da viver hai jau emprendì che abitar è pir abitar, cura ch'ins è ventiraivel en il cor. Qua n'èsi betg da grond'impurtanza, schebain ins viva en in circus, en ina rulotta, in tippi, in'abitaziun, ina villa ni en ina chamona d'arschiglia ed ils daners na giogan era betg ina rolla, cura ch'i va per la ventira. Per il mument pudess jau viver dapertut. Jau ser in egl...

Sibylle Pfiffner